

ICEA LION

Bima ya Moto



 **ICEA LION**
GENERAL INSURANCE

We're Better Together

Bima ya moto ni nini?

Hii ni bima unayokata kwa ajili ya mali zako ili ikulinde dhidi ya madhara yanasosababishwa na moto na vianzilishi vingine vya majanga. Vianzilishi hivi ni pamoja na moto wenyewe, milipuko, tetemeko la ardhi, milipuko ya volcano, radi, vimbunga, mafuriko, kupasuka kwa mabomba makubwa, kulipuka kwa matanki ya mafuta, vurugu, majaribio ya silaha kubwa, kuanguka kwa kimondo na moto uliozuka kwenye misitu au mapori.

Mali zinazokatikiwa bima hii ni majengo, vifaa vya ofisi, kompyuta, vifaa/vitu binafsi vya waajiriwa, fedha, mashine na kazi ya Sanaa.

Bima ya makazi/nyumba huwa inahusisha moto ingawa inaweza kutoa fidia ndogo kuliko gharama ya upotevu halisi katika janga hili, hivyo unashauriwa kuwa na bima ya moto ambayo ni mauhsusi kwa ajili ya moto na visababishi vingine. Hasara itakayolipwa fidia ni pamoja na kupoteza au kuharibika kwa mali, kupoteza faida ya biashara, gharama kufatana na sheria mpya.


Mambo mhimu katika Bima ya moto kutoka ICEA LION

Kipengele A: Jengo

Hii ni bima inayokatwa kwa ajili ya jengo ambapo mkataji ni yule mmiliki wa jengo/mkazi wakwenye jengo:

Bima hii inahusisha uharibifu kwenye jengo kama ifuatavyo:

- Upotevu au uharibifu wa vifaa kama milango, viyoyozi, ukuta, mabeti, karakana na vinginevyo kutokana na majanga yaliyoanishwa hapo juu.
- Gharama zilizojitokeza kutokana na kutafuta makazi na malazi mbadala iwapo janga litasababisha nyumba kuwa haifai kwa matumizi kwa mda huo.
- Kulipwa kwa fidia kwa mmiliki wa jengo ambaye hajalipwa kodi na mpangaji kutokana na jengo hilo kupatwa na majanga. Kiwango



kitakacholipwa ni kile ambacho hakivuki 10% ya kiasi cha thamani ya jengo.

Ni mhimu kujua kwamba kiasi kitakacholipwa hakitakiwi kuzidi 10% ya kiasi cha thamani ya nyumba/jengo.

Kipengele B: Vifaa & Vitu vya ndani

Hii ni Bima ya vifaa/vitu vya ndani vya mmiliki wa nyumba au hata mpangaji. Vitu hivyo ni kama samani za ndani, vifaa vya umeme, mapambo ya ndani na vitu vingine vinavyohamishika. Pia unaweza kukatia bima vitu/vifaa vinavyopatikana kwenye karakana yako au kwenye nyumba ndogo ya mtumishi. Ingawa yakupasa kutoa taarifa sahihi wakati wa kukata bima hii.

Kipengele C: Bima ya vifaa vyote

Hii ni bima inayokatwa kwa ajili ya mali au vifaa vyote ambavyo havijahusika au kutajwa kwenye kipengele A & B hapo juu.

Vifaa/Vitu vinavyohusika katika katika kipengele hiki ni pamoja na vito vya thamani, saa, dhahabu, madini ya fedha, picha za thamani, nguo, miwani, na mizigo au vifurushi vya matumizi binafsi. Ni mhimu kujua kuwa iwapo utapoteza kitu/kifaa ambacho hukukitolea

maelezo ya bei na thamani yake utalipwa kiasi kisichozidi shilingi 100,000/= kama fidia. Mfano iwapo utaleta madai dhidi ya kuibiwa au kuharibika kwa miwani kutokana na majanga na haukuonesha wala kueleza thamani ya miwani hiyo hapo awali utafidiwa kwa kiasi kilichotajwa yaani kisichozidi shilingi 100,000/=

Ni mhimu kujua kwamba kuharibika kwa kifaa/kitu kulikosababishwa na kuisha kwa matumizi, kushuka thamani, kupatwa na kutu, kuharibika kwa sababu za asili, kifaa/mali kutaifishwa au kufilisiwa na serikali au kuibiwa na mmoja ya wana familia hakutakuwa na ustahili wa kulipwa fidia yeyote.

Kipengele D: Wafanyakazi wa ndani

Hii ni bima ambayo inakinga dhidi ya matatizo yanayoweza kutokea kwa mfanyakazi wa ndani kama kifo, majeraha, magonjwa yaliyojitokeza wakati mfanyakazi huyo akiwa katika majukumu yake ya kila siku. Wafanyakazi hawa ni kama dereva, mlinzi, mpishi na mtunza bustani.

Fidia zitolewazo katika kipengele hiki ni kama ifuatavyo:

- Kifo cha mfanyakazi – fidia ni mshahara wa miezi
- Madai ya matibabu - ni 2,000,000/= kwa kila dai
- Gharama ya mazishi - ni 600,000/= kwa kila mfanyakazi

Ni mhimu kujua kwamba madai yako yanatakiwa kuwa yanazidi kiasi cha shilingi 100,000/= isipokuwa kwa madai ya gharama ya mazishi.

Kipengele E: Kinga ya Muajiri

Hii ni bima inayokatwa na mwajiri kujikinga dhidi ya mashitaka yoyote ya kisheria yanayoweza kuletwa na mfanyakazi wa ndani kutokana na ajali, magonjwa, kifo majeraha yaliyotokea akiwa katika majukumu ya kazi. Bima hii itamlipa mdai/mlalamikaji kwa kuzingatia ukomo wa kiasi kama ifuatavyo:

- Mtu mmoja - shilingi 50,000,000/=
- Kwa kila tukio - shilingi 250,000,000/=
- Ndani ya Mwaka - shilingi 500,000,000/=

Ni mhimu kutambua ya kwamba kiasi cha shilingi 5,000,000/= kitapunguzwa kwa kila dai kama mchango wa mteja kwenye janga hilo. Iwapo mfaidika wa dai hili atakuwa amefariki malipo haya yatalipwa kwa muwakilishi wa mfaidika kwa mujibu wa sheria.



Kipengele F: Kinga ya mmiliki

Kipengele hiki kina mkinga mmiliki wa jengo dhidi ya mashtaka au madai yanayoweza kuletwa na mtu wa tatu. Mtu wa tatu anayetajwa hapa ni yule ambaye sio sehemu ya familia au watu unaoishi nao au watu wanaofanya kazi nyumbani kwako. Bima hii inakulinda iwapo utashitakiwa na mtu wa tatu kwa sababu ya kifo, majeraha au ugonjwa uliosababishwa na ajali kwenye jengo lako.

Kipengele G: Kinga ya mkazi & na mtu binafsi

Kipengele hiki kinakulinda wewe mkazi pamoja na wafanyakazi, au watu wanaoishi ndani ya nyumba yako dhidi ya mashtaka yanayoweza kuletwa dhidi ya janga lililotokea katika makazi yako na kusababisha madhara dhidi ya watu wengine tofauti na wakazi rasimi katika nyumba yako.

Iwapo mfaidika wa dai hili atakuwa amefariki malipo haya yatalipwa kwa muwakilishi wa mfaidika kwa mujibu wa sheria.

Ni kitu gani kingine nahitaji kujua kuhusu bima hii ya Moto?

Huduma ya zima moto: ICEA LION watakulipa fidia ya gharama za zima moto.

Tujulishe iwapo umeshitakiwa: Iwapo una bima dhidi ya mashitaka kama zilivyoainishwa kwenye vipengele D hadi G hapo juu tujulishe kwa ajili ya msaada wa kisheria. tutakusaidia katika kulipa fidia pamoja na gharama za kesi ya kumshitaki yeyote anayeweza kuwa amehusika pia.

Uharibifu wa makusudi utakaotendwa na wanafamilia au wafanyakazi hautalipwa.

Fedha na Nyaraka hazihusiki: Bima yetu ya moto haikingi dhidi ya vitu kama hati, ankara, fedha, machapisho, medali, gari, vifaa vya gari, isipokuwa kama kulikuwa na makubaliano ya kuvikatia bima vitu hivyo.

Vifaa vinavyohamishika ni lazima viwepo na mmiliki wakati janga linatokea: mhimu kujua ya kwamba ICEA LION haitafanya malipo ya madai kwa vifaa ulivyovikatia bima kwenye kipengele C iwapo vitu au mali hizo zimepotea au kuharibiwa na janga ukiwa safarini. Malipo yatafanywa tu endapo utakuwa ndani ya nchi na sehemu uliyoitaja kama makazi yako rasimi. Ukitaka kuwa na bima ya mali/vifaa vyako wakati ukiwa safarini tunakushauri ukate bima ya safari.

Sasa umeelewa juu ya Bima ya moto kutoka ICEA LION. Iwapo utahitaji kupata bima hii tafadhali tupigie kwenye +255 22 2774999 / 5039 / 5059 ama tutumie barua pepe kwa insurance@icealion-tz.com.

Plot 331 Kambarage (or Garden) Road,
Mikocheni A
PO BOX 1948, Dar es Salaam
Tel: +255 22 2774999 / 5039 / 5059
Fax: +255 22 2775094
Email: insurance@icealion-tz.com

ICEALION-TZ.com